

斷句  
校正

白香山詩集

藝卿署



白香山詩後集卷七

律詩凡一百一首

除蘇州刺史別洛城東花

亂雪千花落。新絲兩鬢生。老除吳郡守。春別洛陽城。江上今重去。城東更一行。別花何用伴。勸酒有殘鶯。

奉和汴州令狐令公二十二韻同用

客有東征者。夷門一落帆。二年方得到。五日未為淹。相府領鎮。隔年居易方到。既到陪奉遊宴。凡經五日。在浚

旌重葦。遊梁館更添。心因好善樂。貌為禮賢謙。俗阜知敦勸。民安見察廉。仁風扇平聲

道路。陰雨膏去聲閭閻。文律操將柄。兵機釣得鈐。碧幢油葉葉。一作棠葉紅旆火檐檐。景象

春加麗。威容曉助嚴。槍森赤豹尾。轟叱黑龍髯。門靜塵初斂。城昏日半銜。選幽開後

院。占勝坐前檐。平展絲頭毯。高褰錦額簾。雷槌柝枝鼓。雪擺胡意騰衫。髮滑歌釵墜。

妝光舞汗霑。回燈花簇簇。過酒玉纖纖。饌盛盤心殢。醅濃瑣底黏。陸珍熊掌爛。海味

蟹螯鹹。福履千夫祝。形儀四座一作海瞻。羊公常在峴。傳說莫歸巖。蓋祝者之詞意也。眷愛人

人偏。風情事事兼。猶嫌客不醉。同賦夜厭厭。

船夜援琴

鳥棲魚不動。月照夜江深。身外都無事。舟中只有琴。七弦為益友。兩耳是知音。心靜即聲澹。其間無古今。

答劉和州禹錫

換印雖頻命未通。歷陽湖上又秋風。不教才展休明代。為罰詩爭造化功。我亦思歸田舍下。君應厭卧郡齋中。好相收拾為閒伴。年齒官班約各同。

渡淮

淮水東南澗。無風渡亦難。孤煙生乍直。遠樹望多圓。春浪棹聲急。夕陽帆影殘。濤流宜映月。今夜重吟看。

赴蘇州至常州答賈舍人

杭城隔歲轉蘇臺。還擁前時五馬回。厭見簿書先眼合。喜逢杯酒暫眉開。未酬恩寵年空去。欲立功名命不來。一別承明三領郡。甘從人道是粗才。

去歲罷杭州今春領吳郡慙無善政聊寫鄙懷兼寄三相公

為問三丞相。如何東國鈞。那將最劇郡。付與苦慵人。豈有吟詩客。堪為持節臣。不才空飽暖。無患及饑貧。昨卧南城月。今行北境春。鉛刀磨欲盡。銀印換何頻。杭老遮車轍。吳童掃路塵。虛迎復虛送。慙見兩州民。

宣武令狐相公以詩寄贈傳播吳中聊奉短章用申酬謝

新詩傳詠忽紛紛。楚老吳娃耳徧聞。盡解呼為好才子。不知官是一作上將軍。辭人命薄多無位。戰將功高少有文。謝眺爲章韓信錢。一生雙得不如君。

自詠

形容瘦薄詩情苦。豈是人間有相人。只合一生眠白屋。何因三度擁朱輪。金章未佩雖非貴。銀槳常携亦不貧。唯是無兒頭早白。被天磨折恰平均。

吟前篇因寄微之

君顏貴茂不清羸。君句雄華不苦悲。何事遣君還似我。髭鬚早白亦無兒。

紫薇花

紫薇花對紫薇翁。名目雖同貌不同。獨占芳菲當夏景。不將顏色託春風。潯陽官舍雙高樹。興善僧庭一大叢。何似蘇州安置處。花堂闌下月明中。

自到郡齋僅經旬。日方專公務未及。宴游偷閒走筆題二十四韻兼寄常州賈舍人湖州崔郎中仍呈吳中諸客。

渭北離鄉客。江南守土臣。涉途初改月。入境已經旬。甲郡標天下。環封極海濱。版圖十萬戶。兵籍五千人。自顧才能少。何堪寵命頻。冒榮慚印綬。虛獎負絲綸。除蘇州制云。藏于已。

為道義施於物為政能任公形骨鯁之志聞境有袴襦之樂候病須通脈防流要塞津救煩無若靜補拙莫如勤

削使科條簡攤令賦役均以茲為報效安敢不躬親襦袴提於手韋弦佩在紳敢辭

稱俗吏且願活疲民常州未徵黃霸湖州猶借寇恂愧無鐙脚政河北有三郡相隣皆有善政時為鐙

鐙刺史徒忝犬牙隣制誥誇黃絹美賈常州詩篇占白蘋興美崔兵銅符拋不得自謂瓊

樹見無因警寐鐘傳夜催衙鼓報晨唯知對胥吏未暇接親賓色變雲迎夏聲殘鳥

過春參風非逐扇梅雨異隨輪武寺山如故寺也王樓月自新郡內東南樓名也池塘閒長

草絲竹廢生塵暑遣燒神酎晴教曬舞茵待還公事了亦擬樂吾身

### 題籠鶴

經旬不飲酒踰月末聞歌豈是風情少其如塵事多虎丘慙客問娃館妒人過莫笑

籠中鶴相看去幾何

### 答客問杭州

為我踟躕停酒琺與君約畧說杭州山名天竺堆青黛湖號錢塘瀉綠油大屋檐多

裝雁齒小航船亦畫龍頭所嗟水路無三百官繫何因得再遊

立名按唐語林居易自中書舍人為杭州刺史替嚴員外休復休復有時名居易喜為之代時吳興守錢徽吳郡守李襲皆文學士悉生平舊友日以詩酒寄贈官妓商玲瓏謝好好巧於應對善歌舞後元和相鎮會稽參其酬唱每以筒竹盛詩來往居易在杭樂於蘇而詩有使君全未厭錢塘之句及罷作錢多留官庫繼守者

公用不足，則假而後填。如是五十餘年。  
及黃巢至，郡文籍多焚燒，其倖遂亡。

### 登閬門閒望

閬門四望鬱蒼蒼。始覺州雄土俗強。十萬夫家供課稅。五千子弟守封疆。閬門城碧鋪秋草。烏鵲橋紅帶夕陽。處處樓前飄管吹。家家門外泊舟航。雲埋虎寺山藏色。月耀娃宮水放光。曾賞錢塘兼一作嫌茂苑。今來未敢苦誇張。

### 代諸妓贈送周判官

妓筵今夜別姑蘇。客棹明朝向鏡湖。莫汎扁舟尋范蠡。且隨五馬覓羅敷。蘭亭月破能迴否。娃館秋涼却到無。好與使君為老伴。歸來休染白髭鬚。

### 秋寄微之十二韻

娃館松江北。稽城浙水東。屈君為長吏。伴我作衰翁。旌旆知非遠。煙雲望不通。忙多對酒盞。興少閱詩筒。此在杭州。兩浙唱和詩。贈答于筒中往來者。澹白秋來日。疎涼雨後風。餘霞數片綺。新月一張弓。影滿衰桐樹。香凋晚蕙叢。飢啼春穀鳥。寒怨絡絲蟲。覽鏡頭雖白。聽歌耳未聾。老愁從此遣。醉笑與誰同。清旦方堆案。黃昏始退公。可憐朝暮景。消在兩衙中。

### 池上早秋

荷葉綠參差。新秋水滿池。早涼生北極。殘照下東籬。露飽蟬聲懶。風乾柳意衰。過潘二十歲。何必更愁悲。

立名按姑蘇志北池又名後池在不蘭堂後。韋白有詩。池中有陽。陽上有白公手植槐。

郡西亭偶詠

常愛西亭面北林。公私塵事不能侵。共閒作伴無如鶴。與老相宜只有琴。莫遣是非分作界。須教吏隱合為心。可憐此道人皆見。但要修行功用深。

故衫

關澹緋衫稱老身。半披半曳出朱門。袖中吳郡新詩本。襟上杭州舊酒痕。殘色過梅看向盡。故香因洗黷猶存。曾經爛熳三年着。欲棄空箱似少恩。

郡中夜聽李山人彈三樂

風琴秋拂匣。月戶夜開關。榮啟先生樂。姑蘇太守閒。傳聲千古後。得意一時間。却怪鍾期耳。唯聽水與山。

東城桂三首

并序。樂府解題。桂華曲。

蘇之東城。古吳都城也。今為樵牧之場。有桂一株。生于城下。惜其不得地。因賦三絕以唁之。

子墮本從天竺寺。根盤今在闔閭城。當時應逐南風落。落向人間取次生。

舊說杭州天竺寺。每

歲秋中。有月桂子墮。

霜雪

一作霰

壓多雖不死。荆榛長疾欲相埋。常憂落在樵人手。賣作蘇州一束柴。

遙知天上桂花孤。試問嫦娥更要無。月宮幸有閒田地。何不中央種兩株。

聞行簡恩賜章服喜成長句寄之

吾年五十加朝服。爾亦今年賜服章。齒髮恰同知命歲。官銜俱是客曹郎。

子與行簡俱年五十。

始著緋。皆是主客郎中。

榮傳錦帳花聯萼。彩動綾袍雁趁行。

緋多以雁銜瑞莎為之也。

大抵著緋宜老大。莫

嫌秋髮數莖霜。

立名按。容齋隨筆。唐人重章服。故杜子美有銀章付老翁。朱鰈負平生。扶病垂朱鰈句。樂天詩言銀緋處亦最多。即行簡夢得加章服。亦有詩紀其事。

喚笙歌

露墜萎花槿。風吹敗葉荷。老心歡樂少。秋眼感傷多。芳歲今如此。衰翁可奈何。猶應

不如醉。試遣喚笙歌。

對酒吟

一拋學士筆。三佩使君符。未換銀青綬。唯添雪白鬚。公門衙退掩。妓席客來鋪。履罵從相近。謳吟任所須。金銜嘶五馬。鈿帶舞雙姝。不得當年有。猶勝到老無。合聲歌漢

月。齊手拍吳歎。今夜還先醉。應煩紅袖扶。

偶飲

三盞醺醺四體融。故亭檐下夕陽中。千聲方響敲相續。一曲雲和夏未終。今日心情如往日。秋風氣味似春風。唯憎小吏尊前報。道去衙時水五筒。

早發赴洞庭舟中作

閨門曙色欲蒼蒼。星月高低宿水光。棹舉影搖燈燭動。舟移聲拽管弦長。漸看海樹紅生日。遙見包山白帶霜。出郭已行十五里。唯消一曲慢霓裳。

宿湖中

水天向晚碧沈沈。樹影霞光重叠深。浸月冷波千頃練。芭霜新橘萬株金。幸無案牘何妨醉。縱有笙歌不廢吟。十隻畫船何處宿。洞庭山脚太湖心。

揀貢橘書情

洞庭貢橘揀宜精。太守勤王請自行。珠顆形容隨日長。瓊漿氣味得霜成。登山敢惜驅駟力。望闕難伸螺蟻情。疎賤無由親晚獻。願憑朱實表丹誠。

立名揀。范石湖吳郡志。綠橘出洞庭。東西山。比常橘特大。未霜深綠色。臍間一點先黃。味已全可噉。故名綠橘。又有平橘。比綠橘差小。純黃方可噉。故品類下。芟田

錄云。卓蘇州寄橘詩云。書後欲題三百顆。洞庭須待滿林霜。蓋南史有人題書尾曰。洞庭霜橘三百顆。韋正用其事。王右軍帖亦云。奉橘三百枚。霜未降。不可多得。

萬貢揚州，厥包橘柚錫貢，洞庭揚州分也，其貢橘久矣。

夜泛陽陽入明月灣即事寄崔湖州

湖山處處好淹留，最愛東灣北鵝頭。掩映橘林千點火，澄泓潭水一盆秋。龍頭畫舸

銜明月，鵲脚紅旗離碧流。為報茶山崔太守，與君各是一家遊。嘗云：其時每春茶山之遊，泊入太湖，美意

故云。

泛太湖書事寄微之

煙渚雲帆處處通，飄然舟似入虛空。玉杯淺酌巡初匝，金管徐吹曲未終。黃夾纈林

寒有葉，碧琉璃水淨無風。遊旗飛鷺翩翻白，驚鼓跳魚潑刺紅。澗雪壓多松偃蹇，巖

泉滴久石玲瓏。書為故事留湖上，所見勝景，多記在湖中石上。吟作新詩寄浙東。軍府威容從道

盛，江山氣色定知同。報君一事君應羨，五宿澄波皓月中。

題新館

曾為白社羈游子，今作朱門醉飽身。十萬戶州尤覺貴，二千石祿敢言貧。重裘每念

單衣士，兼味常思旅食人。新館寒來多少客，欲回歌酒暖風塵。

西樓喜雪命宴

宿雲黃慘澹，曉雪白飄颻。散麈遮槐市，堆花壓柳橋。四郊鋪縞素，萬室覺瓊瑤。銀棹

携桑落。金爐上麗譙。光迎舞妓動。寒近醉人銷。歌樂雖盈耳。慙無五袴謠。

### 新栽梅

池邊新種七株梅。欲到花時點檢來。莫怕長洲桃李妒。今年好為使君開。

### 酬劉和州戲贈

錢塘山水接蘇臺。兩地褰帷愧不才。政事素無爭學得。風情舊有且將來。雙蛾解珮啼相送。五馬鳴珂笑却回。不似劉郎無景行。長拋春恨在天台。

### 戲和賈常州醉中二絕句

聞道毘陵詩酒興。近來積漸學姑蘇。蒼頭新令從偷去。刮骨清吟得似無。越調管吹留客曲。吳吟詩送暖寒杯。娃宮無限風流事。好遣孫心暫學來。

### 歲暮寄微之三首

微之別久能無歎。知退書稀豈免愁。甲子百年過半後。光陰一歲欲終頭。池水曉合膠船底。樓雪晴消露瓦溝。自覺歡情隨日減。蘇州心不及杭州。

榮進雖頻退亦頻。與君才命不調勻。若不九重中掌事。即須千里外拋身。紫垣南北廳曾對。滄海東西郡又隣。雖欠結廬嵩洛下。一時歸去作閒人。

白頭歲暮苦相思。除却悲吟無可為。枕上從妨一夜睡。燈前讀盡十年詩。讀前後  
唱和詩龍

鍾校正騎驢日。顓頊通江司馬時。

通州

若並如今是全活。紆朱拖紫且開眉。

歲日家宴戲示弟姪等兼呈張侍御二十八丈殷判官二十三兄

弟妹妻孥小姪甥。嬌癡弄我助歡情。歲盡後推藍尾酒。春盤先勸膠牙餠。形骸潦倒雖堪嘆。骨肉團圓亦可榮。猶有誇張少年處。笑呼張丈喚殷兄。

立名按洪景廬云白詩用膠牙餠出荆楚歲記言其堅固如膠也藍尾酒殊不可曉河東記載申屠澄與路旁茅舍中老父姬及處女環火而坐姬自外挈酒壺至曰以君冒寒且進一杯澄因揖遜曰始自主人言妾尾多不同藍多作味為貪味之意妾尾者謂最在後飲也石林燕語云唐人言妾尾多不同藍多作味為貪味之意出子侯白酒律謂酒巡匝坐者連飲三杯為妾尾蓋末坐連酒行到常通故連飲以慰之然白公三杯之句只謂酒之巡數耳安有連飲者哉

正月三日閒行

黃鸝巷口鶯初語。烏鵲河頭水欲消。

黃鸝坊名烏鵲河名

綠浪東西南北水。紅闌三百九十橋。

蘇之官橋大數

鶯鶯蕩漾雙雙翅。楊柳交加萬萬條。借問春風來早晚。只從前日到今朝。

夜歸

遂勝移朝宴。留歡放晚衙。賓僚多謝客。騎從半吳娃。到處銷春景。歸時及月華。城陰一道直。燭燄兩行斜。東吹先催柳。南霜不殺花。卑橋夜酤酒。燈火是誰家。

自歎

豈獨年相迫。兼為病所侵。春來痰氣動。老去嗽聲深。眼暗猶操筆。頭斑未挂簪。因循

過日月。真是俗人心。

郡中閒獨寄微之及崔湖州

少年賓旅非吾輩。晚歲簪纓束我身。酒散更無同宿客。詩成長作獨吟人。蘋洲會面知何日。鏡水離心又一春。兩地也應相憶在。官高年長少情親。

小舫

小舫一艘新造了。輕裝梁柱庫安蓬。深坊靜岸遊應徧。淺水低橋去盡通。黃柳影籠隨棹月。白蘋香起打頭風。慢牽欲傍櫻桃泊。借問誰家花最紅。

馬墜強出贈同座

足傷遭馬墜。腰重倩人抬。祇合窗間卧。何因花下來。坐依<sub>馬皆反</sub>桃葉妓。行呷地黃杯。強出非他意。東風落盡梅。

夜聞賈常州崔湖州茶山境會想羨歡宴因寄此詩

遙聞境會茶山夜。珠翠歌鍾俱繞身。盤下中分兩州界。燈前合<sub>音作</sub>一家春。青娥遞舞應爭妙。紫筍齊嘗各闢新。自歎花時北牕下。蒲黃酒對病眠人。<sub>正時馬墜損腰勸蒲黃酒</sub>

酬微之開拆新樓初畢相報末聯見戲之作

海山鬱鬱石棱棱。新豁高居正好登。南臨瞻部三千界。東對蓬宮十二層。報我樓成

秋望月。把君詩讀夜迴燈。無妨却有他心眼。妝點亭臺那不能。

病中多雨逢寒食

水國多陰常懶出。老夫饒病愛閒眠。三旬卧度鶯花月。一半春消風雨天。薄暮何人吹感篋。新晴幾處縛鞦韆。綠繩芳樹長如舊。唯是年年換少年。

清明夜

好風隴月清明夜。碧砌紅軒刺史家。獨繞迴廊行復歇。遙聽弦管暗看花。

蘇州柳

金谷園中黃嬋娜。曲江亭畔碧婆娑。一作老來處處游行徧。不似蘇州柳最多。絮撲白頭條拂面。使君無計奈春何。

三月二十八日贈周判官

一春惆悵殘三日。醉問周郎憶得無。柳絮送人鶯勸酒。去年今日別東都。

偶作

紅杏初生葉。青梅已綴枝。闌珊花落後。寂寞酒醒時。坐恨低眉久。行慵舉足遲。少年君莫怪。頭白自應知。

重答劉和州

來篇云。蘇州刺史例能詩。西掖吟來替左司。又云。若共吳王闕百草。不如惟是欠西施。

分無佳麗敵西施。敢有文章替左司。隨分笙歌聊自樂。等閒篇詠被人知。花邊妓引尋香徑。月下僧留宿劍池。可惜當時好風景。吳王應不解吟詩。

米香徑在館娃宮。

### 奉送三兄

少年曾管二千兵。盡聽笙歌夜斫營。自反丘園頭盡白。每逢旗鼓眼猶明。杭州暮醉連床卧。吳郡春遊並馬行。自愧阿連官職慢。只教兄作使君兄。

### 城上夜宴

留春不住登城望。惜夜相將秉燭遊。風月萬家河兩岸。笙歌一曲郡西樓。詩聽越客吟何苦。酒被吳娃勸不休。從道人生都是夢。夢中歡笑亦勝愁。

### 重題小舫贈周從事兼戲微之

細蓬青篾織魚鱗。小眼紅窗襯麴塵。閑狹纔容從事座。高低恰稱使君身。舞筵須揀腰輕女。仙槎難勝骨重人。不似鏡湖廉使出。高橋大舫鬧驚春。

### 吳櫻桃

含桃最說出東吳。香色鮮穠氣味殊。恰恰舉頭千萬顆。婆婆拂面兩三株。烏偷飛處銜將火。人摘爭時蹋破珠。可惜風吹兼雨打。明朝後日即應無。

### 春盡勸客酒

林下春將盡。池邊日半斜。櫻桃落砌顚。夜合隔簾花。嘗酒留閑客。行茶使小娃。殘杯勸不飲。留醉向誰家。

仲夏齋居偶題八韻寄微之及崔湖州

腥血與葷蔬。停來一月餘。肌膚雖瘦損。方寸任清虛。體適通宵坐。頭慵隔日梳。眼前無俗物。身外即僧居。水榭風來遠。松廊雨過初。寒簾放巢燕。投食施池魚。久別閒游伴。頻勞問疾書。不知湖與越。吏隱興何如。

官宅

紅紫共紛紛。祇承老使君。移舟木蘭棹。行酒石榴裙。水色窗窗見。花香院院聞。戀他官舍住。雙鬢白如雲。

六月三日夜聞蟬

荷香清露墜。柳動好風生。微月初三夜。新蟬第一聲。乍聞愁北客。靜聽憶東京。我有竹林宅。別來蟬再鳴。不知池上月。誰撥小船行。

蓮石

青石一兩片。白蓮三四枝。寄將東洛去。心與物相隨。石倚風前樹。蓮栽月下池。遙知安置處。預想發榮時。領郡來何遠。還鄉去已遲。莫言千里別。歲晚有心期。

眼病二首

散亂空中千片雪。蒙籠物上一重紗。縱逢晴景如看霧。不是春天亦見花。

已上四句皆病眼中

所見僧說客塵來眼界。醫言風眩在肝家。兩頭治療何曾瘥。藥力微茫佛力賒。

眼藏損傷來已久。病根牢固去應難。醫師盡勸先停酒。道侶多教早罷官。案上謾鋪龍樹論。盒中虛撰決明丸。人間方藥應無益。爭得金篦試刮看。

題東武

虎一作丘

丘寺六韻

香刹看非遠。祇園入始深。龍蟠松矯矯。玉立竹森森。怪石千僧坐。靈池一劍沈。海當亭兩面。山在寺中心。酒熟憑花勸。詩成倩鳥吟。寄言軒冕客。此地好抽簪。

夜游西武

虎一作丘

丘寺八韻

不厭西丘寺。閒來即一過。舟船轉雲島。樓閣出烟蘿。路入青松影。門臨白月波。魚跳驚秉燭。猿覷怪鳴珂。搖曳雙紅旆。娉婷十翠娥。客滿蟬驚等十妓同游也香花助羅綺。鐘梵避笙歌。領郡時將久。遊山數幾何。一年十二度。非少亦非多。

詠懷

蘇杭自昔稱名郡。牧守當今當好官。兩地江山踴得偏。五年風月詠將來。

一作

殘幾時

酒盞曾拋却。何處花枝不把看。白髮滿頭歸得也。詩情酒興漸闌珊。